

Na osnovu člana 135. i 137. Zakona o visokom obrazovanju („Službene novine Kantona Sarajevo“, broj: 33/17.), člana 92. i 98. Statuta Univerziteta u Sarajevu, Odluke Vijeća Građevinskog fakulteta Univerziteta u Sarajevu broj: 02-1-504-3/18 od 11.04.2018. godine, Vijeće Građevinskog fakulteta Univerziteta u Sarajevu objavljuje

**JAVNI KONKURS
ZA IZBOR DEKANA (RUKOVODIOCA ORGANIZACIONE JEDINICE)
GRAĐEVINSKOG FAKULTETA UNIVERZITETA U SARAJEVU**

Dekan (rukovodilac organizacione jedinice) Građevinskog fakulteta Univerziteta u Sarajevu bira se na mandatni period od četiri (4) godine.

Kandidat za dekana (rukovodioca organizacione jedinice), treba da ispunjava uvjete u skladu sa članom 137. Zakona o visokom obrazovanju („Službene novine Kantona Sarajevo“, broj: 33/17.), i to:

- da je državljanin Bosne i Hercegovine;
- da je u radnom odnosu u punom radnom vremenu na Građevinskom fakultetu Univerziteta u Sarajevu;
- da je izabran u nastavno zvanje redovni profesor, vanredni profesor, docent, u skladu sa članom 93. stav (2) alineja a), b) i c) Zakona o visokom obrazovanju („Službene novine Kantona Sarajevo“, broj: 33/17.),
- da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju („Službene novine Kantona Sarajevo“, broj: 33/17.);
- da nije osuđivan za krivično djelo ili da se protiv istog ne vodi krivični postupak;
- da nije predsjednik ili član Upravnog odbora Univerziteta u Sarajevu u skladu sa članom 128. Zakona o visokom obrazovanju („Službene novine Kantona Sarajevo“, broj: 33/17.);
- da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa.

Uz prijavu na konkurs zainteresirani kandidati dužni su priložiti:

- Biografiju (CV) datiranu i potpisanu od strane kandidata;
- Opis naučnog i stručnog rada;
- Program rada za mandatni period (štampana i elektronska forma);
- Izvod iz matične knjige rođenih;
- Uvjerenje o državljanstvu;
- Odluku o izboru u akademsko zvanje redovnog profesora, vanrednog profesora ili docenta;
- Potvrdu da je u punom radnom odnosu na Građevinskom fakultetu Univerziteta u Sarajevu;
- Ovjerenu izjavu da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
- Ovjerenu izjavu da nije predsjednik ili član Upravnog odbora Univerziteta u Sarajevu;

Kandidat koji bude izabran dužan je dostaviti:

- Uvjerenje da nije osuđivan za krivično djelo i da se protiv istog ne vodi krivični postupak;
- Ovjerenu Izjavu da se na istog ne odnosi član IX. stav 1. Ustava Bosne i Hercegovine.

Tražena dokumentacija se prilaže u originalu ili ovjerenoj fotokopiji.

Konkurs se objavljuje u dnevnom listu „Oslobođenje“, web stranici Građevinskog fakulteta Univerziteta u Sarajevu i web stranici Univerziteta u Sarajevu.

Rok za prijavu je 15 dana od dana objavljivanja konkursa.

Prijave se dostavljaju putem pošte ili lično na protokol fakulteta na adresu:

Građevinski fakultet Univerziteta u Sarajevu, Ul.Patriotske lige br. 30, 71000 Sarajevo.

Prijave se dostavljaju u zatvorenoj koverti, sa naznakom „Prijava za Konkurs za izbor dekana – za Komisiju – ne otvarati“.

Nepotpune i neblagovremene prijave neće se uzeti u razmatranje.